



ՆՈՐԻՆ ՍՈՒՐԲ ՕԾՈՒԹՅՈՒՆ Տ. Տ. ՎԱԶԳԵՆ Ա ԱՄԵՆԱՅՆ
 ՀԱՅՈՑ ԿԱԹՈՂԻԿՈՍԻ ԵՎ ՀԱՄԱՅՆ ՎՐԱՍՏԱՆԻ
 ՊԱՏՐԻԱՐԷ-ԿԱԹՈՂԻԿՈՍ ՆՈՐԻՆ ՍՐԲՈՒԹՅՈՒՆ ԻԼԻԱ Բ-Ի
 ՄԻՋԵՎ ՓՈԽԱՆԱԿՎԱԾ ՀԵՌԱԳՐԵՐ՝ ՎՐԱՍՏԱՆՈՒՄ
 ՊԱՏԱՀԱԾ ՏԱՐԵՐԱՅԻՆ ԱՂԵՏԻ ԱՌԻԹՈՎ

ՀԱՄԱՅՆ ՎՐԱՍՏԱՆԻ ՊԱՏՐԻԱՐԷ-ԿԱԹՈՂԻԿՈՍ
 ՆՈՐԻՆ ՍՐԲՈՒԹՅՈՒՆ ԻԼԻԱ Բ-ԻՆ

ԹԲԻԼԻՍԻ

Եղբայրական սիրով բերում ենք Ձեզ Մեր խոր վիշտը Ձեր օրհնյալ երկրում տեղի ունեցած բնության արհաւիրքների առթիւ, որոնք մեծ նյութական վնասներ են պատճառել և խլել մարդկային զոհեր:

Ընդունեցեք Մեր խորագգաց ցավակցությունները: Աղոթում ենք, որ Աստված օգնության հասնի, և վերականգնվի խաղաղ ու անվտանգ կյանքը նաև Մեզ սիրելի Վրաստանում:

Մաղթում ենք Ձեզ քաջատողջություն և հաշտնում Ձեզ Մեր մշտական համակրանքը ու եղբայրական սերը:

Սիրով ի Քրիստոս՝

ՎԱԶԳԵՆ Ա.

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

**ԾԱՅՐԱԳՈՒՅՆ ՊԱՏՐԻԱՐԶ ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ
ՆՈՐԻՆ ՍՐԲՈՒԹՅՈՒՆ ՎԱԶԳԵՆ Ա.-ԻՆ**

Ս. Էջմիածին

Զերդ Սրբություն,

Ի սրտե շնորհակալություն եմք հայտնում Ձեզ աղոթքի և ցավակցության համար՝ Վրաստանում պատահած տարերային աղետի առիթով: Մաղթում եմք Ձեզ քաջառողջություն և երկարակեցություն՝ ի փառս Հայ Եկեղեցու և եղբայրական հայ ժողովրդի:

Սիրով ի Քրիստոս՝

ԻԼԻԱ Բ

ԿԱԹՈՂԻԿՈՍ-ՊԱՏՐԻԱՐԶ ՀԱՄԱՅՆ ՎՐԱՍՏԱՆԻ

Թբիլիսի,

5 փետրվարի 1987 թ.

**ՀԱՄԱՅՆ ՎՐԱՍՏԱՆԻ ՊԱՏՐԻԱՐԶ-ԿԱԹՈՂԻԿՈՍ
ՆՈՐԻՆ ՍՐԲՈՒԹՅՈՒՆ ԻԼԻԱ Բ.-ԻՆ**

Թբիլիսի, Ս. Սիոնի տաճար

Հաստատում եմք Մեր 4 փետրվարի 1987 թ. հեռագիրը: Կրկին անգամ հայտնում եմք Մեր ցավակցությունը ձեր երկրում՝ եղբայրական Վրաստանում տեղի ունեցած աղետի առիթով, որտեղ եղան բազմաթիվ մարդկային զոհեր: Բարեհաճեցեք ընդունել Մեր եղբայրական համեստ լուման՝ հարյուր հազար ուրբու չափով, աղետյալների ընտանիքներին օժանդակելու գործում: Հաճեցեք հայտնել Մեզ այն հաշվի համարը, որով կարելի է փոխանցել վերոհիշյալ գումարը:

Աղոթում եմք վրացական քույր Եկեղեցու բարօրության և եղբայրական ժողովրդի բարգավաճման համար:

Մխիթարովեցեք բարեբաշխ Ս. Հոգով:

Եղբայրական սիրո ողջույնով՝

ՎԱԶԳԵՆ Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,

10 փետրվարի 1987 թ.

ԾԱՅՐԱԳՈՒՅՆ ՊԱՏՐԻԱՐԲ ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ
ՆՈՐԻՆ ՍՐԲՈՒԹՅՈՒՆ ՎԱԶԳԵՆ Ա-ԻՆ

Ս. Էջմիածին

Ձերդ Սրբություն, սիրելի եղբայր ի Քրիստոս,
Ձեր ցավակցությունը և ցանկությունը՝ հարյուր հազար ուրբի փո-
խանցելու՝ օգնություն ցույց տալու համար աղետյալների ընտանիքներին,
Մեր սիրտը լցրեց անկեղծ երախտագիտությամբ Ձեր և ձեր Առաքելական
Եկեղեցու նկատմամբ: Հայտնում ենք, որ նշված գումարը Դուք կարող եք
փոխանցել հետևյալ հաշվին. Պետրանկի վրացական գրասենյակի Թբիլիսիի
քաղաքային վարչության հաշիվ՝ համար 000700024:

Ձերդ Սրբությանը մաղթում ենք քաջառողջություն և Աստուծո օգնու-
թյունը Ձեր հայրապետական գործունեության մեջ:

Եղբայրական սիրով՝

ԻԼԻԱ Բ

ԿԱԹՈՂԻԿՈՍ-ՊԱՏՐԻԱՐԲ ՀԱՄԱՅՆ ՎՐԱՍՏԱՆԻ

Թբիլիսի,

11 փետրվարի 1987 թ.

*
*
*

Առ ի գիտություն հայտնում ենք, որ Վրաստանի հայոց թեմի առաջ-
նորդարանը նույնպես 40.000 ուրբու օգնություն է տրամադրել աղետյալ-
ների ֆոնդին:

